



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 35. Colloquium a Guisio Duce, & Fœderatis Nancæi habitum.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI
A.C. 1588.

tu colligi possent, demum vero illa, postquam pene innumeris aliis periculis defuncta erat, tandem die vigesima nona Julii Anno salutis nostræ millesimo quingentesimo octogesimo octavo fretum Anglicanum ingreditur, quo facto quantocius Medinæ Dux nomine Sidonius Hispanæ classis Architalassus missis nuntiis Parmensem Ducem de sua excursionem certiore reddidit, instititque, ut & ipse suos in Angliam exscendere juberet, cum interea Hispana classis Anglicam ad certamen ineundum adigeret. Verum quamvis Anglorum classis numero navium longe inferior esset, nihilominus Hispani haud diu Anglis resistere poterant; hi enim præter suam animi fortitudinem mira dextertate præditi Hispanam classem profligarunt, navibusque penitus dispersis eam cum ingenti dispendio, ac pudore in Hispaniam iter relegere coegerunt.

§. XXXV.

Colloquium a Guisio Duce, & Fœderatis Nancœi habitum.

*Thuan. &
Spond. l. c.
Maimb. hist.
de la Lig.
l. 1.
Men. de la
Lig. t. 2.
p. 293.*

Hic idem annus non minus Gallis admodum exitialis fuit ob Guisiorum factionem, & fœderatorum furorem; cum enim interea Lotharingæ Dux Janetium exiguam Sedani Principatus urbem cum suis, ceterisque a Parmensi Principe

Principe submissis copiis aggredere-
 tur, Guisus Dux Nancæi cum Fœderatorum
 Ducibus præsentem Lotharingio Duce sua
 habebat colloquia, ubi de duodecim
 conventum est articulis, ex quibus pri-
 mus erat: rogandus est Rex, ut se aper-
 tius sine tergiversatione fœderatorum
 partibus jungeret, & a negotiorum ad-
 ministracione, a locorum præfecturis,
 muneribus publicis, ac magistratibus
 suspectos, qui a fœderatis nominaren-
 tur, sine mora removeret: II. Conci-
 lium Tridentinum in regno promulgan-
 dum curet, ejus executione duntaxat
 ad aliquod tempus suspensa in iis, quæ
 collegiorum, cœnobiorum, & aliarum
 Regni Ecclesiarum ab Episcopis exem-
 ptionem spectant: III. Sacrosanctæ In-
 quisitionis officium saltem in primariis
 civitatibus constituat, optimum, &
 unicum ad extirpandum sectarium virus
 remedium, exterosque tantum, aut
 saltem suspectis nulla necessitudine con-
 junctos huic Inquisitionis Tribunali
 præficiat. IV. Sacro Ordini, ut bona
 sua superioribus temporibus alienata,
 aut posthac quacunque de causa distra-
 henda luere possit, facultatem faciat, &
 ipsi Ecclesiastici spectatis eorum rediti-
 bus, & bonis ad ea luenda cogantur,
 V. loca quædam munita in fœde-
 ratorum Ducum manus consignet, da-
 ta

Sæonl. XVI.
 A.C 1588.

Sæcul. XVI.
A.C. 1588.

ta potestate, ut ipsi ea munire denuo, & novas arces in iis extruere possint cum idoneo præsidio, quod civitatum sumptibus, si ducibus ita videbitur, aut imperata vicinæ regioni pecunia alatur: insuper idem in locis munitis, quæ jam tenent, facere posse intelligantur. VI. In Lotharingiæ limitibus ad prohibendum exterorum transitum idoneum militum numerum suo sumptu Rex alat, ob idque in distrahendis sectariorum, vel eis adhærentium bonis omnis diligentia adhibeatur. VII. Illi, qui olim hæretici, aut de hæresi suspecti ab anno sexagesimo pravitati hæreticæ participasse convicti sunt, cujuscunque conditionis sint, tertiam, aut saltem quartam bonorum partem, Catholici vero decimam quotannis conferre in id bellum, quamdiu durabit, teneantur. VIII. Sectariis cognatione, vel fœdere juncti ipsorum bona hastæ subjecta emere cogantur, ita tamen, ut quinta justipretii pars eis remittatur, si vero se excusaverint, hæc bona aliis vendita, nec jure retractus, nec alia quavis de causa redhiberi possint. IX. Sic pecunia ex iis proveniens dispensetur, ut ante omnia æs alienum belli hujus causa a fœderatorum Ducibus contractum dissolvatur. X. Si vero amplior superfit summa, ea pro futuris debitis reservetur:

tur: hæc autem pecunia Ministris ad hoc nominandis consignetur, qui nec amoveri, nec aliorum impendi poterunt. XI. Bello captis vitæ gratia non fiat, nisi jurata cautione prius accepta, se juxta Majorum religionem deinceps victuros, aut nisi insuper omnium bonorum, si nondum vendita sunt, pretium exsolvant, aut si jam vendita sunt, omnibus suis juribus ad ea cedant, simulque promittant, quod ultra trimestre suis sumptibus in hoc bello militare, eaque obsequia præstare velint, ad quæ idonei censebuntur, vel illos impendere videbitur. XII. Finito bello Catholicis eæ, quas contulerunt, pecuniæ resarciantur, hancque in rem Deputati nominentur, tam Ecclesiastici, quam laici, dummodo non sint Curie supremæ Ministri, qui has venditiones, & distributiones faciant, atque eo promptius, & cum minoribus expensis remperficient.

§. XXXVI.

Regis dissimulatio ad hosce Fœderatorum articulos.

Has fœderatorum petitiones ita decretæ ad Regem deferebantur, quas ille haud quaquam aspernari credebatur, ut populi, qui Guisio Duci favens Regem hæreticis suffragari existi-

Hist. Eccles. Tom. L. Nn ma-

Sæcul. XVI.
A. C. 1588.